

**TAKELAYA NAALƏ NYEJKA NKA  
NYEJKA NKA  
TƏSALONIKI  
NYEMA TƏ  
Kutvlutu**

Pəəlı tasəyı Təsalonikı nyéma ke sam ke takəlaya kane ka taa ké pa taa tem na pa teeluyu təə. I caa sı i tayani Yesu məlvuyu təm nti yələaa pənta nıuə tə. Lələaa huvvı sı wahalanaa mpa lsə səelaa təkə tə pa təə Yesu ka kəə ləj, haləna pá yele təma lapu. Ama Pəəlı heela-wə sı pə wəe sı isayatı tu i kəə ké na pácó Yesu ka kəj. Pə təə ké i tasa-weyə apalutu sı pá hatələna felentunaa na pá sələməyi, na pá ləki təmle.

**Isəna pa faya Təsalonikı II takəlaya tə:**

Səetv na apalutu səəsuyu, titite 1

Kilisiti məlvuyu təm, titite 2

I tasəyı layatı sı pa sələmi na pá la təmle, titite 3

*Səetv*

**1** Taya Pəəlı na Silaası na Timotee.

Tá ɳmaakəna takəlaya kaneyə Təsalonikı Yesu səelaa kpekkəle nyéma mə mpa i ké Tacaa lsə na tá Səsə Yesu Kilisiti pa nyéma tə. **2** Tacaa lsə na tá Səsə Yesu Kilisiti pá húlí-meyə pəeləe na pá ha-meyə alaafəya.

*Kilisiti konte wule huvvə*

**3** Tá taapalaa, pə wəe sı tam tə səekü lsə ké i na təmle ke mə təə, na pə tu mənə mpu. Pə taya puv təə, i təñna toŋ nyəən ke mə lsə mpaav təñuyu taa ké tam ké, na mə təma səəluyu ná təñna səəsuyu ke teu təə.

**4** Pə təə kē tə yəələyəna-meygə Isə seelaa lelaa taa kē isəna mpi i pəsaa na i kantəli na i təki Isə mpaav ke kynyəntəyəle na wahalanaa mpa pa tuylı-me tə pa taa tə.

**5** Na pə tənaya mpu pə hóləyí isəna Isə təñəyí siyisuyu ke i hvvle taa təyə. Pə taya pvlv təə, mpu inı pu yele na i munə Isə kawulaya ɳka ka təə i naa wahalanaa mpe tə ka hikuyu. **6** Isə ká təŋ tampana na i ləeti mpa pa tuylı-me wahala təyə wahala. **7** Na i ha tá na mpa me i təki kynyəŋ təyə həesvyn. I ká la mپúyú wvlə nte Tacaa Yesu ká luna isətaa na isətaa tillaa tonj nyéma **8** na kəkə ɳka ka mvyi kemkem tə, sı i tuylı saləka ke mpa pa ta nyı Isə na mpa pa kisa Tacaa Yesu Laapaalı Kvpən ke mvyu tə. **9** Saləka wei i ká tu-wə təyəle wakəlvyn mpi i ka wakəli-wə tənaŋnanj ke tam təə, na paa hatələna Tacaa na i toma nna a tewa səsəm tə. **10** Pu la mپúyú wvlə nte inı i ka kəo sı i nyéma i tu-i teeli na mpa pəle paa mu i təm tə pá sami-i tə. Na mə mayamaya i ká wee pə taa. Mpi tə, i mu təm nti tə heela-me tə se.

**11** Pə təə kē tə sələməyəna-meygə tam sı tá Isə i la na i munə weesuyu ɳku ku təə i yaa-me tə ku hikuyu. Tə kooliyi kē sı i hólí i toma na i la na kvpantu nti u hvvki mə taanaa tə i pəsi na i la-ti, na mə Isə seev təma te teu. **12** Waatv inəyí i ká la na Tacaa Yesu hətə hiki teeli, ulena i la na mu hiki teeli tətəyə tá Isə na Tacaa Yesu Kilisiti pa pəeləe təə.

## 2

### *Isayatv tv təm*

**1** Tá taqpala, ye Tacaa Yesu Kilisiti konte na tá kotuyu ke i kinj təm ilə, **2** i taa yele na pə liyiti-meygə mpu təheee na pə ce mə lanja sı Tacaa kvyaku təma tate.

Ntanyi cele nyəntu nalu nəyəlu i yəyətəna mpv, yaa nəyəlu lapəna waasv ke kvlapv ke mpv, yaa ntanyi nəyəlu ná loolina sì tā takəlaya nakəli ka taa kék pa ñmaa mpv. <sup>3</sup> Na paa pa tu heela-me sì nti te, í taa nu. Pə taya puv, yələaa ká kvl na pá teesi Isə kék kisuyu təsayasaya. Na Isayatu Yulv wei ini paa wakəli tənañnañ tó i ká lu na pécó wvle níté tó kəo. <sup>4</sup> Pə təna mpi yələaa səekí na pá nyənəyi sì Isə nyəm tó i ká kisi-wi təkpatakpata. I ká kvl pə tənaya mpv pə təo, halu i ká suv na í caya Isə təseelə səsəole taa mayamaya na í tó sì inəyəle Isə. <sup>5</sup> I tá təəsi sì maa tema-meyə pə təm ke heeluyu ke waatu wei maa we mə kiŋ tó? <sup>6</sup> I nyəmá mpi pə təo mpi ini pui hikiyi mpaa sì pə la nəənəo tó. Pə wee kék sì pui tala pə waatu kék na pécó Isayatu Yulv ini í lu. <sup>7</sup> Isayatu nti tə toma təñna kookalı kék lapv ke mukaya təee. Ama wei ini i səŋsəyi-ti tó, í kəma na í təee ke tu la. <sup>8</sup> Saa inəyi Isayatu Yulv ini ilé i ka lu. Tacaa Yesu ká woso-i heelim ke kwosu kék na í si, na Yesu ini i kənte teeli ká lana na í saali yem təkpataa. <sup>9</sup> Satanı toŋ ke isayatu Yulv ini i ká kəna na í lá piti təma na kəkələ nyəmnaa na səyəntu təmanaa, kpuuyusumnaa mpi pə təna. <sup>10</sup> I ká la isayatu ke mpaa mpaa na í puysina mpaa pa kék kulepaa tó. Mpə ini paa le. Mpi tó pa kisaa pa ta səələ tampana nna a ká waasi-we təyə təñvuyu tó pə təo. <sup>11</sup> Pə təo kék Isə laki sì tolusuyu təma səsəona naalı á teena-weye kpakpaa na pá təñəyi pəpətuv. <sup>12</sup> Mpóyú pui la na pá tu pa təna mpaa isayatu lapa lelen na pá kisi tampana təñvuyu təyə saləka.

### *Pə ləsa-meyə sì pə ya mə nyəəŋ*

<sup>13</sup> Pə wee kék sì tə səekí Isə kék í na təmlə ke tā taapalaan me mə təo kék tam, me mpaa Tacaa səəlaa tó. Pə taya

pulv təə, Isə ləsa-meygə sı Feesuğu Nañjtu wei i yeki na í pəsəyı Isə yəlaa tə i təə na mə tampana myxu təə pə caaləna-mə mə nyəej ke yapu. **14** Laapaalı Kvpənə wei tə heela-mə tə i nıw taa kέ Isə yaa-mə sı i hiki mə paa tete ke Tacaa Yesu Kilisiti teeli taa. **15** Ye mpv ilə tə taapala, i səŋ təca na í təkə seyəsəj wei tə seyəsa-mə tə, paa wei tə yəyətəna tə nəəsi tə, paa takəlası taa nyəej.

**16** Təv, tə Səsə Yesu Kilisiti mayamaya, na Tacaa Isə wei i səəla-tu na í hvləyi-tvəy pəelesə na í heesı tə lanja ke tam təə na í tv-tvəy təelvəy kvpənə tə, **17** pə naaleye mpv pə səəsi-meygə tonj na pə səna-mə na í pəsı na í ləki na í yəyətəy kvpəntu tike.

### 3

#### *I sələməna-tvəy Isə*

**1** Tá taapala, ntı tə kaasaa təyəle sı, i sələməna-tvəy Isə na Tacaa Təm yałəŋ na té hiki teeli ısu pə lapu mə kinj tə. **2** Isələməna-tu tətə na pə ləsi-tvəy yəlaa asayaa mpa pa ta kəesı tə pə niŋ taa. Pə taya pulv, yəlaa wəə mpa paa caa pə mu Isə mpaav təm tə.

**3** Paa na mpv tə Tacaa kέ yəlvəpənə. I ká yele na í nyəo tonj na í kenti mə təə na Isayav kaa hiki-mə.

**4** Tacaa lapa na té wəna naani kέ mə təə təkpataa sı i ká təyəyı tam i kaa yele təmnəa mpa tə seyəsa-mə tə.

**5** Tacaa i kpaya mə ləsəsi na í tú Isə təə na í səəli-i, na í yele na Kilisiti tv-meygə suulu ke teu tətə.

#### *Pə wəə sı paa wei í la təmle ke*

**6** Tá taapala, Tacaa Yesu Kilisiti təə tə heeliyi-mə sı i hatələna mə taa mpa paa caa pulv lapu na paa təyəyı seyəsəvəy ńku tə teləsa-mə tə. **7** Mə mayamaya i nyəmá ısəna i ká la na í təy tə ikpatə tə, pə taya

pulv, waatu wei tu we mə həku tə tə ta ke yəlaa mpa paa caa pulv lapv tə. <sup>8</sup> Tə ta caya sı nəyəlv i calı-tuŋ faalaa. Ama tə lapa təma kē na té konti haŋaya. Tə lapa təma na isəle kusəemle ke teu sı té taa suki mə taa nəyəlvu səyəla. <sup>9</sup> Tu wəna mpaav sı té təyə mə kütəyəv ke fadlaa. Ama tə kisa īpúyó sı i nana-tu na i təyə tā ikpatə. <sup>10</sup> Haləna waatu wei tu we mə həku tə tə heela-mə təkelekele sı: Ye wei u caa pulvp lapv pəntv i taa təyə.

<sup>11</sup> Pə taya pulv təo, tə nuwa sı lelaa we mə həku taa mpa paa caa pulv lapv tə, ye pə taya təm fav tike. <sup>12</sup> Tacaa Yesu Kilisiti təo tə heeliyi yəlaa isu mpv sı paa wei i isəle i seəna təmle lapv, na i hiki i mayamaya ke mpi i ka suu i nəyə tə.

<sup>13</sup> Tá taapalaq, ye mə ilə kypantv lapv i taa laməyə felentu. <sup>14</sup> Ye nəyəlv wəe na u saŋ nti tə ɳmaa takəlaya kane ka taa cəne təyə təyəv, i nyi pəntv təo na i fayana-i təkpataa, na feelə kpa-i. <sup>15</sup> Ilə i taa nyəni-i isu kolontu. Ama i lana-i isu yəlv i caa i tayani i taapalv i laki tə.

### *Koolee kypana na seetv*

<sup>16</sup> Tacaa wei i kē alaafəya halv tə i ha-meyə alaafəya ke tam kē pə təna pə taa. Tacaa i wəe mə təna mə waali.

<sup>17</sup> Pəəli má, ma seə-mə na ma mayamaya ma ninj ɳmaatu ke cəne. Isəna ma tuŋ ma həte ke ma takəlası təna taa təyəle. Mpúyó ma ɳmaaki.

<sup>18</sup> Tacaa Yesu Kilisiti i hólí mə tənaya pəeləe.

**PIIPILI CSILCT M TAKELAYA  
Portions of the Holy Bible in the Lokpa language of  
Benin**

copyright © 1999 SIM

Language: Lokpa (Lukpa)

Translation by: SIM

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2017-10-16

---

PDF generated using Haiola and XeLaTeX on 11 Nov 2022 from source files  
dated 9 Oct 2020

ef14191a-91f7-51c1-ac89-7b93dd7c4377